



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XLV. Jürgen von dem Knesebeck zu Lagenapeldorn verkauft dem Altar der 14 Nothhelfer in der Marienkirche zu Salzwedel Hebungen aus Bungense, am 14. Januar 1531.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

vnde myne eruen beholden den wedderkop der vorfcreuen twe mark penninge iarliges paches etc. —. Duffszelz to orkunde vnde merer wyffenheyt hebbe ick Jurgen van deme knefebeke, vakenomt, myn Ingefehgel vor myck vnde myne eruen wytyken henghen laten nedden ann duffzen broff, de ghegheuen vnde ghescreuen iz Na Cristi vnzes heren gheborth veffteynhunderth Jar, dar nha in dem Negenvdethwyntyghesten Jare, defz Myddewekes in den hilligen pyngesten.

Nach dem Originale des Salzwedelschen Archives XXXIII, 16.

XLV. Jürgen von dem Knefebeck zu Lagenapeldorne verkauft dem Altar der 14 Nothhelfer in der Marienkirche zu Salzwedel Gebungen aus Bungenese, am 14. Januar 1531.

ICK Jurgen van dem Knefebeke, werners zeliger szone, wanhaftig tho Langhenapellidorne, Bokenne apenbar vor mick, myne eruen vnd szust allzweme, In craft vnd macht duffes breues, Dat ick mith fryen willenn vnd wolbedachtem mode hebbe vorkost vnd vorkope Jeghenwardich mith duffem szeluen breue, den erhaftighen eren Johan Berghe, eren Hermen gruttemaker, Commendilten des altares der verteyn Noethhulper, In vnser leuen fruwen kercken tho Soltwedel belegghen, vnd procuratoren der Spende, dorch zeligen eren Johann ganderfsen vpgherichtet vnd fundert, ock oren nakamelingen der szelueighen Commenden bofzitteren vnd procuratoren der Spende, eyne marck pennink soltwedelscher weringe Jarlicher rente Im dorpe tho Bunatze In Hans Scholten haue vnd alle des haues thobehoringe, Vor twintig marck penninge soltwedelscher weringe houetsummen, die szie mick wol tho dancke ahn eyner szummen vornoghet hebben Vnd In myn vnd myner eruen nuth vnd framen ghekamen szynt. Delfze vorgeschreuen marck Jarliker rente schal vnd will die vargnante Hans Schulte, szyne eruen edder die bofzitter des haues den varbnopten hern Johann Berghen, hern Hermen gruttemaker vnd oren medetobofschreuen alle Jar vp Martini In die Stadt Soltwedel brengghen vnd betalen, szunder alle vnse Inredent vnd vorbedent. Vorbleue denne alzodan botalinge, szo moghen szie dar vnne panden, panden lathen edder idt mith gheiftliken este werliken rechte vthforderen vnd manen, Vnd ick Jurgen van dem knefebeke, vorgnant, vnd myne eruen willen vnd schollen eren Johann berghen, eren Hermen gruttemaker vnd oren medetobofschreuen szodaner marck penninck Jarliker rente eyn recht were wesen, vor allwem. Ock will ick vnd schollen myne eruen Duffe seluige Jarlike rente vorplichtighen vnd vorbidden, gbelick vnfen andern guderen vp vnse eyghen kost vnd euenture. Doch szo hebbe ick erbnompte Jurgen van dem knefebeke mick vnd mynen eruen de gnade beholden, Dat wie sodann marck pennink Jarliker rente alle Jar moghen wedder losen. Vnd wen wie des ghesynneth, szo schollen wie die lofzunge den vorbnopten eren Johann Berghen, eren Hermen gruttemaker vnd oren medetobofschreuen vnne negestkamende szodan twintich marck houethsummen mith allen nastelligen ghebaren renten vull vnd all thor noghe bynnen Soltwedel entrichten vnd betalen. Wen denne dath szo

gheſcheen is, ſzo ſchall ſzodann marck Jarliker rente mick vnd myne eruen wedder quidt vnd loes ſzyn. Alle duſſe varghelchreuen ſtucke vnd artikel lauen ick Jurgen van dem Kneſebeke, vorbnompt, vnd myne eruen ſtede, vaſte vnd vnuorbraken thoholdende, ſunder Jennig gheuerde. To orkunde hebbe ick Jurgen van dem Kneſebeke, vilghenompt, vor mick vnd myne eruen myn anghebaren Inghelghell willicken laten hanghen bonedden ahn duſſen breff, Ghegheuen nha Criſti gheborth veſleynhundert Vnd eyn vnd druttigſten Jare, Sonauendes nha deme achten daghe der hillighen dryer konninck.

Nach dem Originale des Salzweſſchen Archives XXVI, 44.

XLVI. Jürgen von dem Kneſebeck zu Langenapelborn verkauft dem Altar der 14 Nothhelfer in der Marienkirche zu Salzweſel Gebungen aus Lagendorf, am 14. Januar 1531.

Ick Jürgen van deme Kneſebeke, Warners zeliger ſone, wanbaſtig tho Langhenapellthorne, Bokenne apenbar vor mick, myne eruen vnd alſzweme, In craft vnd macht duſſes breues, dat ick mith frigen wolbedachtem mode hebbe vorkoſt vnd vorkope Jeghenwardich mith duſſem ſuluen breue den Erhaftigen eren Johan berge vnd eren Harne grüttemaker, Comendisten des altars der verteyn nothhulper, In vnſer leuen fruwen kercken to Soltwedell boleghen, vnd oren nakamelingen Twelf ſchillinck penninck ſoltwedelſcher weringe Jarlikes tinzes Im dorpe tho Laghendorp In Clawes Kultzen haue vnd alle des haues thobehoringhe, vor veſteyn marck ſoltwedelſke bouethumme, die ſzie mick wol tho dancke ahn eyner ſummen vornüghet hebben vnd In myn vnd myner eruen nuth vnd fromen ghekamen ſynth. Deſſe vorgheſchreuen twelf ſchillinck iarliger rente ſchal vnd will die vargnante Clawes kultze, ſyne eruen edder die boſzitter des haues den benompten ern Johan Berghien vnd ern Harne grüttemaker, ock oren medetobelchreuen alle Jare vp Martini In die Stadt Soltwedel brenghen vnd betalen ſzunder alle vnſzir Inredent vnd vorbedenth. Vorbleue denne alſzodan botalunge, ſzo maghen ſie dar vmme panden, panden lathen edder idt mith gheiflikem effte werlikem rechte vthforderen vnd manen, wur tho ick vnd myne eruen onhe willen behulpen vnd nicht hinderlich ſzyn. Vnd ick Jurgen van dem Kneſebeke, vorgnant, vnd myne eruen willen vnd ſchollen ern Johan berghen, ern Harmen grüttemaker vnd oren medetobelchreuen duſſer varghelchreuen twelf ſchillinck Jarliker rente eyn recht were weſzen vor alſzwem vnd ſzetten ſzie In die were, In craft duſſes breues. Ock will ick vnd ſchollen myne eruen duſſe ſelughe Jarlike rente vorpflichtighen, vordeghedingen vnd vorbidden ghelick vnſzen andern gudern vp vnſze koſt vnd euentur. Doch ſzo hebbe ick erbnompte Jurgen van dem Kneſebeke mick vnd mynen eruen de gnade beholdenn, dat wie ſzodane twelf ſchillinck Jarliker rente alle Jar maghen wedder loſzenn, Vnd wen wie des gheſzynnet, ſzo ſchollen wie die loſzunge den varbnomten ern Johan Berghen, ern Harmen grüttemaker vnd orhen medetobelchreuen vp ſunte Michaelis dach kundighen vnd denne dar nah In den vier hillighen daghen tho winachten negheſtkomende ſzodan veſteyn marck bouethummen mith allen naſtendighen ghebaren renten vull vnd all thor noghe